

Indlela Yokonga Amanzi

Ukusatjalaliswa ngefanelo kwamanzi bomasipala emakhasa elizweni loke leSewula Afrika kujame ema-68%, ije kunamagadango athethwe mNyango wezaManzi nokuKhanjiswa kweKhu-cukhucu wokuphelisa ukusalela emva kokusatjalaliswa kwamanzi esele kumraro weminyaka.

ISekela likaNgqongqotjhe womNyango wezaManzi nokuKhanjiswa kweKhu-cukhucu, u-David Mahlobo uthi lokhu kubangelwa mthangalasisekelo osele umdala, ukungasetjenziswa kuhle nokutjhejwa kwemithombo yamanzi nehlelo elibogabogako lokuhlanganiswa kwamahlelo wokwakhiwa kweenkumba namaphrojekthi wanje wokuthuthukiswa komthangalasisekelo.

“Kumnako omkhulu ukuthi izinga lokusatjalaliswa kwamanzi ngefanelo litjengisa ukwehla,” kulathise iSekela likaNgqongqotjhe.

Njengelizwe elitlhayelelwa mamanzi, iSewula Afrika ihlangana namazwe ama-30 anesomiso esikhulu ephasini. Ilizwe lisizakala ngokukhongozela amanzi amanengi wezulu, kanti iimbalobalo zokuna kwezulu zingaphasi kwama-40% ekusibaloesingaphasi kwesilinganiso sephasiloke ngomnyaka elizweni elihlala liqalene nesomiso.

Nanyana kunjalo, umnyango ukunikela iyeleliso zokonga amanzi.

Ukongga amanzi ekhaya lakho namkha ebhizinisini

- Vala ipompo nawusahlamba ubuso bakho, nawusabhratjha amazinyo namkha nawusatjhefako.
- Ukutjhawara imizuzu emihlanu ngeLanga kunokududa ngebhadeni, kusebenzisa ingcenyeyinye keentathu zamanzi angebhadeni, okukukonga

amalitha angafikela kama-400 ngeveke.

- Ukutjhwara kungathatha amalitha ama-20 wamanzi ngomzuzu, kanti nawududako ibhada ingathatha amalitha wamanzi ama-80 ukuya kali-150 qobe lihlandla lokuhlamba ngebhadeni. Nayibe wenyula ukuhlambela ngebhadeni, ungayizalisi ibhada.
- Ungavuleli amanzi wendlwana butjhwileni. Lahla amathitjhu, iinunwana nenye nenye isile emgqonyini weenzibi kunokuziphosela nendlwaneni. Njalo nawuvulela amanzi wendlwana kusebenza amalitha wamanzi ali-12.
- Lungisa indlwana evuza amanzi, nakungasinjalo kungamotjheka amalitha wamanzi alinganiselwa eenkulungwaneni ezilikhulu ngomnyaka.
- Sebenzisa “amanzi asetjenzisiweko” — eku-


mamanzi ohlambe ngawo, ekuhlanzwe ngawo iwatjhini neweminye imithombo kobana ukhambise ilindle ngemva kokusebenzisa indlwana.

- Ungalzalisi khulu namkha ulipule ngokweqileko idamu lakwako lokududa.
- Ungazalisi iketlela swi kodwana thela manzi aneleko ngokweendingo zakho. Lokhu kuzakwehlisa neendleko zakho zezezi.
- Sebenzisa ithunga kunephayiphu lokha nawuhlanza ikoloyakho. Nakufuze usebenzise iphayiphu, sebenzisa elikghona ukufafazanelingalwa nanyana kunini nawuhlanza ikoloyi. Ukusebenzisa iphayiphu kungamotjha amanzi apheze abemalitha ama-30 ngomzuzu.
- Kufuze abalimi baqinisekise ukuthi

iimbulalinunwana bazibeka kude nemithombo yamanzi nemilambo.

- Abantu abahlala eendaweni zemakhaya kufuze bayelele bangasilaphazi imilambo namadonga.

Etonini

- Sezela njalo iintjalo zakho ekuseni khulu namkha nasele litjhingile lapho umtjhisophasi khona.
- Njalo nawubilisa iqanda, wonge amanzi layo ngokuwapholisela ukusezela iintjalo zangekhaya. Zizokukhula kuhle ngezakhi eziphuma eqepheni.
- Amanzi abekelelwako wephahla lendlu angafakwa ematankeni kobana kusezelwe itoni ngawo.
- Sebenzisa “amanzi asetjenzisiweko” — okumamanzi ekuhlanjwe ngawo, ekuhlanzwe ngawo iwatjhini neweminye imithombo ephiphileko — ukusezela itonakho. 

Ukufumana ilwazi elinabileko, vakatjhela ku- www.dws.gov.za